



Pou Piblikasyon Imedya: 27/12/2022

GOUVÈNÈ KATHY HOCHUL

GOUVÈNÈ HOCHUL ANONSE YON MILYADYÈM ITILIZATÈ METWO VIL NEW YORK LA AN 2022

Premye fwa depi 2019 ke transpò pasaje nan metwo Vil New York la depase yon milya pasaje

Transpò pasaje te ogmante nan 240 milyon pa rapò ak 2021

Tout ajans MTA yo te wè yon ogmantasyon siyifikatif nan kantite transpò pasaje yo an 2022

Yo te itilize plis pase 425 milyon kat OMNY nan metwo a an 2022

Pou finalize yon ane gwo rekiperasyon nan transpò pasaje, Gouvènè Kathy Hochul te anonse jodi a te anonse ke Otorite Transpò Metropoliten (Metropolitan Transportation Authority, MTA) Vil New York la te founi yon milya vwayaj an 2022. Yo te idantifye milyadyèm kliyan an kòm Sasha Salazar ki soti nan Bronx ki te antre nan tounikè 4 estasyon 161 St-Yankee Stadium maten an.

"Nou te travay di pou fè kliyan yo tounen nan founi sèvis ki pi an sekirite, pi pwòp, ak pi rapid, epi atenn yon milya pasaje an 2022 se prèv ke travay nou an pote rezulta", **Gouvènè Hochul te deklare.** "Nouyòkè yo ak touris yo kontinye rasanble nan metwo a, sa ki pwouve pa gen pi bon fason pou nou deplase nan Vil New York pase transpò publik".

Etap enpòtan an make premye fwa Metwo Vil New York la te transpòte yon milya kliyan nan yon ane sivil depi 2019. Metwo a te transpòte 760 milyon kliyan an 2021 ak 640 milyon an 2020. Mwayèn transpò pasaje chak jou nan metwo a kounye a nan prèske 60 pouzan nan nivo anva pandemi 2019 la, lè sistèm nan te pote 1.698 milya pasaje.

Sistèm peman tarif OMNY MTA a te fè genyen tou yon ogmantasyon nan itilizasyon an 2022 ak plis pase 425 milyon kat yo te pase. Ogmantasyon sa a nan pati mache pasaje nan metwo a pou OMNY vin apre entwodiksyon pwogram limit tarif "Lucky 13" la, deplwayman OMNY pou kliyan MTA ki gen tarif redui yo, ak ekspansyon kontinyèl kat OMNY nan kote ki vann an detay.

Prezidan ak Direktè Egzekitif Jeneral MTA, Janno Lieber, te deklare, "An 2022, kliyan yo te vote avèk kat MetroCard yo ke yo te glise nan aparèy la ak kat OMNY yo te pase san kontak, epi plizyè santèn milyon te retounen nan metwo a. Atenn etap enpòtan sa a, yon milya pasaje nan metwo a an 2022, montre ankò kijan transpò an mas esansyèl pou ekonomi Vil New York ak rekiperasyon kontinyèl apre pandemi an".

Prezidan Transpò Piblik Vil New York la, Richard Davey, te deklare, "Jis nan moman pou sezon fèt la, sèvi yon milya pasaje nan metwo a an 2022 se yon etap enpòtan ki merite selebre. Pandan n ap kontinye swiv objektif global alontèm nou an pou bay kliyan pi bon eksperyans posib epi akeyi yo tounen nan transpò piblik, mwen felisite famm ak gason nan New York City Transit, ki vin travay chak jou pou transpòte plizyè milyon Nouyòkè epi estimile vil la".

Direktè Pwovizwa Sèvis Kliyan MTA, Shanifah Rieara, te deklare, "2022 se te yon ane ki te chaje ak etap enpòtan pou kliyan MTA yo, espesyalman moun ki te chanje pou pase nan kat OMNY ki se tape l epi ale. Soti nan akeyi kliyan ki gen tarif redui nan OMNY, rive nan pwomosyon "Lucky 13" pou limit tarif yo, pou rive nan pati mache rekò nan transpò pasaje yo, an 2022, plis kliyan te antre nan sistèm transpò piblik la avèk OMNY pase anvan".

Sasha Salazar, ki se yon milyadyèm pasaje pou ane 2022 a, te deklare, "Tout Nouyòkè itilize metwo a chak jou epi mwen konnen ke nou apresye MTA, tout travayè k ap travay pou MTA espesyalman".

MTA te anrejistre yon gwo kwasans pasaje nan tout ajans yo an 2022. Jiska 31 oktòb, dènye dat ki disponib kote done ki pa preliminè pou tout ajans konparab yo disponib, transpò pasaje nan metwo a ogmante 38.6 pousan sou done depi kòmansman ane jiska dat ki similè pou ane 2021, otobis Vil New York yo ogmante 13.4 pousan, Metro-North Railroad ogmante 65.9 pousan, Long Island Rail Road ogmante 56.9 pousan, Staten Island Railway ogmante 47.0 pousan, Access-A-Ride ogmante 11.3 pousan, epi sikilasyon sou Pont ak Tinèl MTA yo ogmante 7.0 pousan.

###